

Zeitschrift: Le nouveau conteur vaudois et romand
Band: 89 (1962)
Heft: 11-12

Artikel: L'Ein'èrpâiye = (L'Inalpe)
Autor: Défago, Adolphe
DOI: <https://doi.org/10.5169/seals-233006>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 17.11.2024

ETH-Bibliothek Zürich, E-Periodica, <https://www.e-periodica.ch>



Pages valaisannes

L'Ein'èrpâiye (L'Inalpe) ¹

Kan vin la bouna sison, to beudze dien la vallé : à toué momein. on pêcha d'on lo et de l'âtro, dé son de seutze ², de toupin et de canpan'né. Cein lé du to nové pâske tan k'adon on ne pêchéva ke le broué ³ dé nan et le tsan ⁴ dé zizé ke kemeinchon à fire leu ne ⁵ su la brantse. Adon on va lou tropé ke se démènon, se bousculon paske seinton l'herba frétse. On a de la peina à lé retenin c'té bétéié tant lé son pressâie d'arrevâ u tsalé. Cheuzon lou vayon ⁶ ke fan dé conteu à travè lou chi ⁷, lou mont. Le tsalé lé bâtei tetein amon en deso lou névé. Apré ava dremin to l'hivè deso la na ⁸ kemein lé mèrmotté, prein via le dzeu de l'èin'èrpâiye. La ia on moué à fire et pâ de tein à pèdre cé dzeu : moidre ⁹, fire le pré ¹⁰, préparâ lé souié ¹¹, décthèrdgi la rouga ¹² k'a pourto su le bâ lou z'éfan, lé dzenellié, la tseudère. Lou bèrdgi ne poron allâ se refia ¹³ ke bin tâ, lagna ¹⁴ mé contein de reke-meinchi na novéla sison su l'alpâdzo io to lé serein loein du mondo et sou traca !

La ia kike çà d'atro ke se passe cé, dzeu dien le pays d'amon io noutrou paysan vouârdon de lé pigné vatsé k'on appale vèr neu de lé takié ke son batalleusé kemein dé démon et ke l'en mi de corné ke d'eivro'...¹⁵ Ein ci dzeu, se fan na lotta à mo ¹⁶ po itré la reina du tropé. Lou propriéteiro cheuzon la lotta avoui tan de pachon ¹⁷ k'on lou va se todre à pou pré à tan ke lé bétéié ke lutton su la pista !... Ce na bétie k'a ito du tré z'en reine et ke vin à pèdre son titre on nein va ka cravon de dépi et son propriéteiro né pâ loein de démichenâ du Conseil lo bin du Comité se lein fipartia !... Mé veu saro bin ke né pâ seulamein pèrmi lé bétéié ke lé reiné se fan la guerra, la ien na ke pourton cotin et lou z'homo n'en rein à se gabâ ¹⁹ de cé, lo eintie !...

Adolphe Défago.

¹ Bouge ; ² Clochettes ; ³ Bruit ; ⁴ Chant ;
⁵ Nid ; ⁶ Chemin ; ⁷ Pierriers ; ⁸ Neige ; ⁹ Traire ;
¹⁰ Fromage ; ¹¹ Repas ; ¹² Jument ; ¹³ Reposer ;
¹⁴ Fatigués ; ¹⁵ Tétine ; ¹⁶ A mort ; ¹⁷ Passion ;
¹⁸ Louanger.